

**DRUŠTVO ZA PROMET NAFTOM I NAFTNIM DERIVATIMA  
HIFA - PETROL d.o.o. Sarajevo**

**PRAVILNIK NAGRADNE IGRE  
„OSVOJI PORSCHE I PREKO 2200 NAGRADA ZA 100 KM HPLUS goriva “**

**Član 1.**

Organizator nagradne igre pod nazivom „OSVOJI PORSCHE I PREKO 2200 NAGRADA ZA 100 KM HPLUS goriva“ je društvo HIFA PETROL d.o.o. Sarajevo, Hotonj bb, 71320 Vogošća, ID broj: 4200999090005.

**TRAJANJE NAGRADNE IGRE**

**Član 2.**

Trajanje nagradne igre je od 01.05.2022. do 01.10.2022. godine, na području Federacije BiH.

**OBJAVA**

**Član 3.**

Učesnici će biti obavješteni o nagradnoj igri putem jednih od dnevnih novina, web stranice, facebook profila, kao i putem plakata na benzinskim pumpama HIFA PETROL.

**PRAVO UČEŠĆA**

**Član 4.**

Pravo učešća u nagradnoj igri imaju sva punoljetna fizička lica državljanji BiH koja izvrše kupovinu naftnih derivata i/ili LPG autoplina (DIZEL BAS EN 590 10 ppm, PREMIUM BEZOLOVNI BENZIN 95 BAS EN 228, SUPER PLUS BEZOLOVNI BENZIN 98 BAS EN 228 i LPG/autoplin BAS EN589) u vrijednosti od 100,00 KM i više za gotovinu, koji prihvataju Pravila nagradne igre, osim osoba zaposlenih u kompaniji HIFA PETROL d.o.o. Sarajevo, kao i najbližih članova njihovih porodica.

**NAČIN UČEŠĆA**

**Član 5.**

Svaki kupac (fizičko lice) koji kupi HPLUS gorivo (DIZEL BAS EN 590 10 ppm, PREMIUM BEZOLOVNI BENZIN 95 BAS EN 228, SUPER PLUS BEZOLOVNI BENZIN 98 BAS EN 228 i LPG BAS EN 589) za gotovinu u jednokratnoj ili zbirnoj vrijednosti od 100,00 KM i više na benzinskim pumpama HIFA PETROL na području FBiH stiče pravo učešća u nagradnoj igri.

Uslov za učešće u nagradnoj igri je posjedovanje HIFA PETROL kartice lojalnosti pod nazivom PREMIUM CARD.

Kupovinom navedenog goriva kupcu će se prilikom svake kupovine goriva vršiti elektronska evidencija na njegovoj Premium Card. Akumuliranjem iznosa u vrijednosti od 100,00 KM kupac stiče mogućnost učešća u nagradnoj igri.

Svaki učesnik može izvršiti neograničen broj prijava, ako zadovoljava stav 1. člana 5. pravila nagradne igre.

## FOND NAGRADA

### Član 6.

Ukupan nagradni fond:

1 x PORSCHE Boxster

6 x GODINA DANA BESPLATNOG HPLUS GORIVA

126 x MJESEC DANA BESPLATNOG HPLUS GORIVA

2076 x 30,00 KM BESPLATNOG HPLUS GORIVA

### Član 7.

Vrijednost posebnih nagrada – „godina dana besplatnog goriva“ i „mjesec dana besplatnog goriva“ je definisana na osnovu prosječno pređenih kilometara vlastitog automobila i na osnovu prosječne potrošnje goriva prema zadnjim objavljenim službenih podacima na dan objave nagradne igre, a to su podaci iz 2015. godine.

<http://www.bhas.ba/tematskibilteni/PotrosnjaEnergijeFinalBS.pdf>

Prosječna godišnja potrošnja goriva osobnog automobila u 2015. godini iznosi 6,8 litara na 100 pređenih kilometara, a prosječni pređeni kilometri iznose 11.442,80 km. Godišnja potrošnja je 778,11 litara, a mjesečna 64,8425 litara.

Prosječna cijena DIZEL BAS EN 590 10 ppm prema posljednjem podatku objavljenom od strane Agencije za statistiku BiH na dan 22.04.2022. godine iznosi 2,50 KM/lit.

[https://bhas.gov.ba/data/Publikacije/Saopštenja/2022/PRI\\_02\\_2022\\_02\\_1\\_BS.pdf](https://bhas.gov.ba/data/Publikacije/Saopštenja/2022/PRI_02_2022_02_1_BS.pdf)

Na osnovu navedenih podataka finansijska vrijednost posebne nagrade: 1 godina besplatnog goriva iznosi 1945,28 KM, a 1 mjesec besplatnog goriva iznosi 162,10 KM.

## IZVLAČENJE

### Član 8.

Izvlačenje nagrada će vršiti u tri kruga, i to:

- Prvi krug (01.5.2022.-20.6.2022.godine) - 27.6.2022. godine će biti izvučeni dobitnici nagrada: 2 x godina dana besplatnog goriva, 42 x mjesec dana besplatnog goriva, 692 x 30,00 KM besplatnog goriva
- Drugi krug (21.6.2022.-11.08.2022.godine) - 17.08.2022.godine će biti izvučeni dobitnici nagrada: 2 x godina besplatnog goriva, 42 x mjesec dana besplatnog goriva, 692 x 30,00 KM besplatnog goriva
- Treći krug (12.8.2022.-01.10.2022.godine) - 6.10.2022.godine će biti izvučeni dobitnici nagrada: 1 x automobil Porsche Boxter, 2 x godina besplatnog goriva, 42 x mjesec dana besplatnog goriva, 692 x 30,00 KM besplatnog goriva.

Izvlačenje će se vršiti pred tročlanom komisijom koju odabere Organizator. Emitovanje izvlačenja nagrada sva tri kruga će biti na FACE TV, a planirano je u terminu od 17:50 h uz moguća odstupanja u zavisnosti od programske šeme.

Dobitnici će biti izvučeni automatski, slučajnim kompjuterskim odabirom.

## **OBJAVA DOBITNIKA**

### **Član 9.**

Popis svih dobitnika će biti objavljen u roku od sedam radnih dana od dana izvlačenja, putem WEB stranica [www.hifapetrol.ba](http://www.hifapetrol.ba), facebook profila i na benzinskim pumpama HIFA PETROL, a dobitnici ujedno pristaju da HIFA PETROL može obrađivati lične podatke u smislu: imena i prezimena, adresa, broj telefona i slika, te da ime, prezime, grad prebivališta i sliku dobitnika mogu javno prikazati bez naknade.

## **PREUZIMANJE NAGRADE**

### **Član 10.**

Dobitnici će biti obaviješteni u roku od 8 dana od dana objave dobitnika. Nagrade se mogu preuzeti u roku od 30 dana od dana objave, a prema uputstvu organizatora. Organizator se obavezuje da će dobitnike telefonski kontaktirati.

Ako dobitnici ne preuzmu nagradu u predviđenom roku, organizator će ih ponovo obavijestiti i postaviti naknadni rok od 8 dana za preuzimanje nagrade.

Dobitnici nagrada nemaju pravo tražiti isplatu novčane protuvrijednosti osvojene nagrade i ne mogu prenijeti nagradu na druge osobe.

Organizator ne snosi nikakve troškove preuzimanja nagrada, plaćanje naknade, poreza, troškove povezane sa prijenosom prava vlasništva na vozilu, registracije i slično, a preuzimanjem nagrade prestaju dalje obaveze organizatora prema nagrađenim. Posebne i utješne nagrade će se od strane organizatora predavati u vidu isporuke goriva dobitnicima u predviđenom i definisanom finansijskom iznosu nagrade nakon objave dobitnika nagradne igre. Dobitnici će moći preuzeti nagradu u gorivu tipa DIZEL BAS EN 590 10 ppm, PREMIUM BEZOLOVNI BENZIN 95 BAS EN 228, SUPER PLUS BEZOLOVNI BENZIN 98 BAS EN 228 i LPG/autoplin BAS EN 589.

## **ZAVRŠNE ODREDBE**

### **Član 11.**

Komisija sačinjena od predstavnika firme organizatora će zapisnički utvrditi jesu li dobitnici preuzeli nagrade u roku iz člana 10. stav 1., te će istekom tog roka utvrditi da je sa određenim datumom nagradna igra okončana.

### **Član 12.**

Dobitnici nagradne igre pristaju da im se ime, fotografija i snimljeni materijal koristi u svrhu promocije Organizatora nagradne igre putem svih medija bez naknade.

Učesnici nagradne igre prijavom na nagradnu igru pristaju da se podaci koji daju prilikom prijave mogu koristiti od strane Organizatora nagradne igre i njegovih poslovnih partnera. Osim prethodno navedenih podaci se neće davati niti jednom trećem licu.

Organizator zadržava pravo da u bilo kojem trenutku diskvalifikuje učesnike za vrijeme trajanja nagradne igre ukoliko učesnik prekrši Pravila nagradne igre ili ukoliko se učesnik koristi lažnim podacima kako bi učestvovao u nagradnoj igri.

### **Član 13.**

U slučaju eventualnog spora između organizatora i učesnika, nadležan je sud u Sarajevu.

### **Član 14.**

Uslovi pod kojima se nagradna igra može prekinuti:

Nagradna igra se može prekinuti samo u slučaju da nastupe okolnosti za koje Organizator nije odgovoran, odnosno koje nije mogao spriječiti, otkloniti ili izbjeći (viša sila).

Nagradna igra može biti prekinuta ranije, u slučaju događaja koji predstavlja višu silu, uključujući nemogućnost Organizatora, iz razloga koji su van njegove kontrole, da nastavi Nagradnu igru. U pogledu ovih pravila, viša sila označava svaki događaj koji Organizator ne može kontrolisati, ispraviti ili predvidjeti, uključujući nemogućnost Organizatora, iz razloga van njegove kontrole, koji ga sprečavaju da ispuni svoje obaveze koje je preuzeo prema ovim Pravilima.

Ukoliko viša sila potpuno ili djelimično onemogućava ili odlaže izvršenje obaveza iz ovih Pravila, kao i nastavak Nagradne igre, Organizator se oslobađa dužnosti ispunjavanja obaveza.

Organizator, ako se poziva na višu silu, ima obavezu da obavijesti učesnike Nagradne igre u roku od 5 radnih dana o nastanku događaja koji predstavljaju višu silu.

U tom slučaju se Organizator oslobađa svih eventualno nastalih obaveza prema učesnicima. Nagradna igra se može prekinuti samo u slučaju da nastupe okolnosti za koje Organizator nije odgovoran, odnosno koje nisu mogli da spriječe, otklone ili izbjegnu. U tom slučaju se Organizator oslobađa svih eventualno nastalih obaveza prema učesnicima

### **Član 15.**

Ova pravila se primjenjuju po dobivanju saglasnosti nadležnog Federalnog ministarstva, a vrijede do završetka nagradne igre.

S pravilima nagradne igre saglasno je Federalno ministarstvo finansija Bosne i Hercegovine, prema rješenju broj: UP-05-12-1-696/22